

INUIT ATAQATIGIIT

Inatsisartuni



UPA 2017/47

Nuuk, 30 april 2017

Villy Olsvig

Illoqarfinni annerusuni arfineq marluusuni ungasissumiit kiassarnikkut, innaallagisamillu kiassarnikkut ullumikkuminngarnit suli annerusumik atorluaanerulernissarput siunertaralugu, Naalakkersuisut suliniuteqaqqullugit peqquneqarnissaannik Inatsisartut aaliangiiffigisassaatus siunnersuut. Illoqarfiit pineqartut tassaapput Ilulissat, Qasigianguit, Aasiaat, Sisimiut, Maniitsoq, Nuuk aamma Qaqortoq.

(Inatsisartunut ilaasortat Peter Olsen Inuit Ataqatigiit)

Inuit Ataqatigiit-niit iluarisimaarparput siunnersuuteqartup nukimmik pioreeraluartumik atorlu-aasoqannginneranik aallaaveqartumik siunnersuuteqarsimanera.

Illoqarfiit arfineq marluk taaneqarsimasut immikkut isigineqartariaqarsorinarput, orsussamik aallaaveqartumik nukissiuusiortut taamatuttaarlu nunatta nammineerluni tunniussinnaasai allaavigalugit kallerup inneranik pilersuisut, taakkulu imatut taaneqarsinnaagunarput:

Qasigianguit,- Aasiaat aammalu Maniitsoq, orsussamik aallaaveqartumik kallerup inneranik tunisassiortut.

Nunattali nammineq tunniussinnaasaaniit tatsiniit aallaaveqartumik nukissiornermik minguitsumik (grønmljø) taaneqarsinnaasut ukuusorinarlutik:

Ilulissat,- Sisimiut,- Nuuk aammalu Qaqortoq.

Siunnersuuteqartup siunnersuutaaniit issuaalaassagaanni ilaatigut uku oqariartuutit tingulluarneqarsinnaalluartut ilanngussimavai, issuaaneq "Nukiup pilersinneqartup tamakkiisumik atorluarneqarnerulernissaa pillugu anguniagaqartuartariaqarpugut, suliniuteqartuartariaqarpugullu. Aporfiusinnaasullu suut tamaasa nungusartariaqarpagut nukimmik atorluaanerulernissarput aqutissiukkumallutigu"

Ilumoorluinnarpoq siunnersuuteqartoq nukik pioreersoq atorluarneqartariaqarpoq, taamaaliortoqassagunilu makku aaqqissuussiffigineqartariaqarsorinarput:

- Atassusilersinnaaneq kajuminnartuusariaqarpoq, akitigullu aaqqissuussisoqartariaqarpoq unammillersinnaasunngortillugu.

- Orsussamik (gasolie)-mik atuinnermut sanilliullugu kallerup inneranik aallaaveqartumik kiassarnermut aningaasartuu-teqarsinnaaneq atuisuujumaartussanut unammillernartu-usariaqarpoq.

Tamaattorli maannamut nunatta pissaritiitai aallaavigalugit kallerup inneranik pilersorneqarnermi aammalumi kallerup inneranik aallaaveqartumik kiassarnikkut aaqqissuus-siffigineqareersimasuni ilaatigut ajornartorsiuteqartoqarsinnaanera Inuit Ataqtigiit-niit ma-luginiarnarpoq.

Tassanilu assersuutigineqarsinnaalluarunarpoq Sisimiut erngup nukingata aallaavianik kallerup inneranik aammalu kallerup inneranik kiassarnikkut pilersorneqartuni, qanoq iliuseqartoqarta-iaqarsorinaleqqammat.

Ilaatigummi paasinarmat kallerup inneranik aallaveqartumik kiassartut maanna orsussamik (Gasolie)-mik aallaveqarlutik kiassalernikoorpasimmata, tamanna soorunalimi arlaannik pis-suteqarsimassaaq sukumiinerusumillu misissuiffigineqartariaqa-lersorinarluni aammalu qanoq alloriaqqittoqarniarnersoq paaserusunnarsilluni, makkulu paaserusunneqarsinnaasut taneqar-sinnaagunarput:

- Tatsip immernerminik kallerup inniliorsinnaanerminut tunniussinnaasaa killeqaler-simanerpa ?.
- Ukiunerani apummit aammalumi aasaanerani sialoqanngittarnerujussuanik tatsip imakilliartorneranik aallaaveqarnerpa ?
- Periarfissaqarnerpa tatsimiit kuuttinneqartup kingumut atortorissaarutit il. Il. aqqusaa-reernerisigut tatsimut utertinneqarsinnaasarnissaa.
- Kallerup inneranik aallaveqarlutik kiassarsimasuugaluit maannali orsussamik (gasolie)-mik aallaaveqarlutik immikkut aningaasartuuteqarsimalersut arlaatigut qanoq iliuseqar-figisinnaanerannut ?

Oqaaseqaatima naanngillaattaani naalakkersuisooqatigiit isumaqatigiissutaanniit oqaaseqatigiit uku issuaaffigerusunnarput, issuaaneq:

Nukissiorneq

”Naalakkersuisooqatigiilersut uppeeraat nunatsinni minguitsumik nukissiorsinnaanerput suli an-nerloorujussuarmik ineriartortinneqarsinnaasooq, aammalu taamaalilluta nukimmik avammut tunisassiulersinnaanerput aqqutissiuunneqarsinnaalluni. Taamaammat naalakkersuisooqatigiit tamanna pillugu misissueqqissaarnerit aallartinniarpaat.

Innaallagissamut, imermut kiassarnermullu akigitinneqartut nammaqatigiinneq naapertorlugu naleqqus-saavigineqarnissaat naalakkersuisooqatigiit suliarissavaat.

Taamaaliornikkut nunatsinni ilaqtariinnut aningaasaqarniarnikkut tamatumani atugarisat naligiinnerulersinneqaqqullugit.”

Avatangiisit

"Nunarput nukimmik mingutsitsinngitsumik ukioq 2024 nallertinnagu tamakkiisumik imminut pilersulernissaa sulissutigineqassaaq." issuaanerit naapput

Taamaammat siunnersuuteqartoq Inuit Ataqatigiit-niit isumaqatigalutigu siunnersuuta akuer-saalugu ataatsimiitsitaliamut susassaqtumut ingerlatipparput.